

Diener den hindern Theil zeigt/da nun der
 Diener den Affen am hinderen Antlitz be-
 schawet (allwo er gar seltsam gefarbet/) ver-
 meinte er nicht anderst/ dann er hätte dem
 vermeinten Laden-Diener den Koyff abge-
 hawen/ ließ den Dägen fallen/ ließ darvon
 in die nächstgelegene Kirchen/ vnd ließ sei-
 nen Herrn berichten/ wie ihm ergangen sey/
 allwo nach Erkundigung der Sach genueg
 gelachtet wardt.

Haben wol zwen Affen einander vexiert.

CC.

Das Sprichwort ist: So gehet es/ wann
 es wol gehet/ vnd wann es übel gehet/ so will
 es Niemandt gethan haben/ hat sich also bey
 kurzen Jahren sehr Wahr seyn befunden:
 Dann/ als an einem Ort die Inwohner ei-
 nen Behren jagten/ vnd etliche Männer auß-
 schickten/ denselbigen außzuspühren/ diesel-
 bigen aber in dem Gehölz von fernem in al-
 lem Gebürst/ bey einem grossen Baum/ et-
 was Lebendigs vnd beweglichs sehend/ ver-
 meinten sie nicht anderst/ dann es wäre der
 Behr/ den sie suchten/ gaben deswegen all-

mi